

Broj : 142/11

Datum : 19..08.2011

Informacija o aktivnostima za period od 01.01.2011 do 30.07.2011 godine , dostavljamo

Poštovani !

Predstavlja nam veliko zadovoljstvo da Vam u nekoliko rečenica predstavimo dio naših aktivnosti za predhodni period. Agencija za razvoj općine Tešanj je postavila vrlo ambiciozan plan aktivnosti za 2011 godinu. U pregledu aktivnosti za period od 01.01.2011 do 30.07.2011 godine može se vidjeti da je urađeno izuzetno puno. Agencija za razvoj stavila je akcenat na edukaciju svojih uposlenika što se pokazalo kao ispravan potez jer već sada imamo osposobljen tim za izradu projekata po većini traženih metoda. Ocjena NO agencije za razvoj općine Tešanj je da je agencija opravdala svoju misiju, te da intenzivno radi na projektima koje aplicira prema IPA fondovima i EU te da predstavlja općinu Tešanj na kvalitetan način. Sve projekte su uradili uposlenici agencije za razvoj. Neki od tih projekata su odobreni i u toku je realizacija, a neki su u fazi ocjenjivanja od strane donatora. Dosadašnje ocjene domaćih i stranih stručnjaka su izuzetno pozitivne što uposlenicima agencije daje dodatni stimulans.

Projekti koji su odobreni su : Projekat prekvalifikacije za zanimanja Zavarivač i Tehničar mehatronike. Projekat se realizuje u saradnji sa Mješovitom Srednjom Školom i Ćosićpromex-om a uz finansijsku podršku Firma Project, zavoda za zapošljavanje FBiH i općine Tešanj. Najveća vrijednost ovog projekta je to što će se uposliti 30 novih radnika i 20 uposlenih stručno osposobiti za rad na novim tehnologijama. Pripremljen je projekat pod nazivom "Reginalni centar za edukaciju odraslih" i predat u u SDC (švicarska razvojna agencija). Ovaj projekat je pozitivno ocijenjen i ide se u njegovu realizaciju. Projekat LOD II koji su u ime općine Tešanj uradili uposlenici agencije. Projekat je odobren i ide njegova realizacija. Projekat skupljajmo PETice koji je urađen za UG EKO MLADI je takođe prihvaćen . Projekat je u fazi realizacije.

Projekti koji su završeni i čeka se njihova ocjena su : Koncept note „CAT projekt“ koji je poslan u Brisel. Urađena je Logička matrica i budžet za projekat „Na granici carstva “ sa partnerima iz Hrvatske i aplicirano je na PRINCE programme kao associate sa partnerima iz Italije. Za potrebe općine Tešanj urađena je aplikacija za program DELTER. On je u fazi ocjenjivanja.

Jedan od veoma važnih projekta, koji je ocijenjen sa veoma visokom ocjenom od strane EK (evropska komisija) je projekat ONE STOP SHOP. EK je platila konsultanta da se ovaj projekat pripremi za pozive u septembru i oktobru. Samo je još jedan projekat u BiH dobio ovakav tretman.

Tu su još i projekti koji se tiču rješavanje problema kanalizacije, otpada kao i kontakti vezani za projekat pronalaženja partnera za toplanu Tešanj.

Uz sve ovo bitno je napomenuti da je ostvaren veliki broj kontakata sa domaćim i stranim organizacijama kao i sa jednim brojem ambasada. Cilj ovih kontakata je predstavljanje privrednih potencijala općine Tešanj.

Pozivamo sva pravna i fizička lica, da ukoliko imaju ideja, da dođu u agenciju za razvoj općine Tešanj i prezentuju te ideje, da ih zajedno pretvorimo u projekat. Cilj nam je isti : **Razviti lokalnu zajednicu prema potrebama njenih građana a privrednicima olakšati put do uspjeha.**

S poštovanjem !

Direktor :  
Hilmo Perčo prof.